

SURAT KEPADA PENGARANG

Jambatan ditunggu 50 tahun siap bulan depan

? Kami yang tinggal di Limbang sudah menunggu lebih 50 tahun untuk mendapatkan jambatan yang boleh menghubungkan pekan ini dengan daerah Temburong, sempadan negeri dengan Brunei. Bilakah hasrat ini dapat ditunaikan.

Penduduk Limbang
Sarawak

! Masalah yang menghantui penduduk sejak 50 tahun lalu bakal berakhir apabi-

BH 27/11/13 m/s 8



Lakaran jambatan yang akan menyeberangi Sungai Pendaruan untuk menghubungkan Limbang dan Temburong.

la jambatan bernilai RM20.8 juta ini siap pada Disember ini. Penduduk tidak perlu lagi beratur lebih lima jam untuk menyeberangi Sungai Pendaruan sepanjang 20 meter yang memisahkan pekan Limbang, Sarawak dengan daerah Temburong di sempadan Malaysia-Brunei terutama pada musim cuti persekolahan. Tiada tol dikenakan ke atas pemandu yang menggunakan jambatan setinggi lima meter, selebar 14

meter dan sepanjang 200 meter itu.

Ketika ini, penduduk yang berulang-alik dari Sarawak, Sabah dan Brunei terpaksa beratur lama untuk menaiki feri menyeberangi Sungai Pendaruan. Setiap feri boleh memuatkan sehingga 10 kereta dan lapan kenderaan berat seperti lori atau pacuan empat roda.

Hasbi Habibollah
Ahli Parlimen Limbang